

نورک یوری

15 Teprenin, 1928
(27) 3: 30
2: 15
نورک یوری فامیت جالشیر
اوزکیش کونده بر جیفار



دوغریسی شو محیطک عمومیتی ، خرسیتیان وطنداشلریمزک متعدد مکتبلرینی زیارت و او مکتبلرک بک چوق طلبه‌لرینی کورمک زحمتی اختیار ایتسونلر ، صکرده مستفید اولسونلر . احتمالک ، بوتولی فیکرلرینی تلغینه قدر واریرلر . او وطنداشلریمزک ، بوتون قوتلرینی سعبیلربه مزج ایدرک معارفی ، مضاً اعتسلائی بک کوزل ادراک ایدرک کندیلرینی نور عرفانله تجهیز ایتدکلری و ذکور ، انانجمله سنک منور فیکرلی اوقور ، بازار اولدینی بدیهی برحقیقت در . اریق بز ، کوزلریمزک اوکنده کی بو سعبیلردن عبرت المزسه ق ، وار قوتمزله معارفمیزک ترقیسنه چالیشمزمساق ، بیلمم عاقبتمز نهیه واریر ؟ هرشیئی حکومتدن بکله مک بک بویوک برخطادر .

اهمال و تکاسل قیمتلی زمانلر ایچین اک بویوک بردشمندر

س . ن .

تورکلیک شئونی

روسیه ده هلال احمر و مطبوعات — پترسبورغده کی عثمانلی سفیری طرخان باشانک حریمی خاتم افندی طرفندن روسیه حکومتته مراجعت اولوناراق ، هلال احمر ایچون اعانه طویلانماسنه مساعدده اولونماسی طلب ایدلدیکی روسیه حکومتجه ده طلب مذکورک ترویج اولوندینی « نوویه وره میا » غزته سنده کوروله سی اوزرینه روسیه ده کی تورک قارداشلریمز جمع اعاناته شتاب ایله مشلردر . بوخصوصده روسیه نلک تورکلرله مکیون اولان محللرینده انتشار ایدن تورکجه غزته لرده مقالات شفقتکارانه ایله اهالی تشویقه چالیشمقده در . انسانی اولقله برابرینی و عرفی قارداشلیکده تأثیری نچتنده واقع اولان بو غیرت خدا پسندانیه قارشى صمیم وجدانزدن تشکرلر ایدررز .

مع مافیہ بو مناسبتله روسیه ده کی غزته لر آراسنده بر مناقشه قبوسی آچیلمشدر . بو مناقشه یه موسقو واده انتشار ایدن « روسکی اصلووا » غزته سی سببیت ویرمشدر . بو غزته ده : « تورک مجروحلرینه یاردم ایچون بر قاپیک ویرمک جائز اولماز . روسیه ده تورک مجروحلرینه یاردم ایچون آقچه ویرمک بر وجدان بولونماز . » دیدیکی جهتله اورنبورغده تورکجه انتشار ایدن « وقت » غزته سی بر مقاله معتدله ایله بوکا مقابله ده بولونیور ، و مقاله سنک نتیجه سنده دیپورک : « مجروحلره یاردم مسأله سنه سیاستک قاریشدیرلامسی ، محض انسانیت و شفقت نقطه نظرندن باقینجه عموم انسانلر آراسنده دوستلک آرماسنه بک زیاده سبب اولور ایدی . »

وقتتكده تقدير ايتكده اولدینی اوزره ینه موسقوواده انتشار ایدهن « اوترو روسی » غزتهسی « روسکی اوصلووا » نك مقالهسنه قارشى انسانیتکار بر جواب ویرمشد. « صلیب وهلال » سرنامهسیله باشلایان مقاله مذکوره « وقت » غزتهسی طرفندن ترجمه ایدلش اولدیغندن بعض زیاده مهم نقطه لرینی اقتباس ایدهرک قارئلرهنك نظر دقتنه عرض ایلورز :

« آوروپا ایچون آسوده ماکدونیاالی ، مسعود وکوجلی تورکیه کرکز . بلکه کوچسز ، ضعیف تورکیه کرکز . بونی آوستریا وانکلتره سیاسی دائره لری دفعه لرحه آغزندن قاجیردیله .

« آوروپا بومقصدله تورکیه یی « اوز نظارت وحمایه سنه » آلدی و « خسته کشی » یی پاواشجه اولوم دوشکنه یتشدیردی .

« ... تورکلر ایله خرسیتیانلرک آسوده ودوستانه یاشاملرینك ممکن اولدینی بیکلرحه مثال ایله اثبات قلمشدر . مسلمانلرده هیچ بر وقت خرسیتیانلره قارشى « قانه سینمش دشمنك » بولوندینی یوقدر . اولر حضرت عیسی به ده کندی پیغمبرلری کبی احترام ایدرلر . بزم قیریم ، قازان ، وولغا بویلرنده وتورکستانده خرسیتیانلر ایله مسلمانلر نه قدر زمانلردن بری برلکده یاشیورلر . هنددهده مسلمان طولو . هریرده صلیب ایله هلال کورووشوب یاشایوب طورییورلر . بلغاریادهده یاریم میلیون مسلمان وار . بونلرده اش صادق تبعه لدر . وطنلرینه قارشى خیانت ایتبورلر .

« مسلمانلر آراسنده یاشایان خرسیتیانلر (مثلا : بزم اورطه آسیاده) هیچ بر زمان مسلمانلرک تجاوزندن شکایت ایتدیله . »

« ... آوروپانك پارمقلى آراسنده آزیلوب یاتان تورك ملتى طبعاً پك صلحپرور ، وجدانلى ، ناموسلى ، عدالت وحقىق سوبجى وقیصقاییجى بر ملتدر . »

« ... انکلتره ، فرانسه ، حتی آوستریا هلال احمره یارديم کوندردکلری کبی بزه اولرله امتثال ایده جکمز یرده مسلمانلره دشمنك کوسترمه من یاقیشماز . خطامنى کوزه ملی وتورکیه به ده « صلیب احمر » جمعیتی معرفتیه معاونتده بولونمالی یز . « خرسیتیان دشمنلری » ، « جانوار تورکلر » دین اسکی خیاللری آتمالی یز . آنلرک آوروپا حیلہ سی آرقه سنده قان دوکوجی ییچاره لر اولدیغنی نظر دقتنه آلمالی یز . »

بوانسانیتلی محررک اسمی « ت . آردف » در .

آستراقانده چیقان « ایدل » (وولغا) غزته سی ده قالین یازیلرله هلال احمر تشویقاتنده بولونیور .

پترسبورغده تورکجه غزته — پترسبورغده سعید خابیف واسلام شاهی احمدف ناملرنده ایکی ذات طرفندن روس لسانده « مسلمانسقا یا غزته » نامنده بر اسلام غزته سی نشر ایدلکه یاشلاندیغنی ، بونده مسلمانلرک منافعی مدافعه ایدلدیکنی ینه (ایدل) غزته سنده کوردک . یکی غزته ایچون طریق حق و صوابده موفقیت تمنی ایدهرز .

شفقتلی ذاتلر — قازانده بولونان براسلام تاجری ، شهر مزده تجارتله اشتغال ایدهن بر ذاته هلال احمر نامه ۵۰۰ روبله یعنی ۶۲۵۰ غروش کوندرمشدر .

قازانک بر محله امامی ده ۱۰۰ روبله ، یعنی ۱۲۵۰ غروش کوندرمک لطفندمه بولونمیشدر بوایکی ذاته حسیات مخادنلرنندن ، اسلامغه وتورکلیکه شو صورت سخا کارانه ده معاونتلرنندن دولایی پک صمیمی تشکرلر ایدرز .

مغلوبیتک سبیلری — بالقان حربی روسیه ده کی اسلام قارداشلرمیزی زیاده متأثر ایدی . بویله درت طرفدن اوغرا دیغمز هجومه قارشى بوتأثر طبیعیدر . اورنیورغده کی « وقت » غریته سی « مغلوبیتک سبیلری » سرنامه سیله بر باش مقاله یازمیش اولدیغندن بونک بعض قسملری بروجہ زیر نقل ایدیورز :

« اما سیاسی واجتماعی محررلر بوبونک وقعہ نك سببی شویله بیان ایدیورلر :

« چونکه مملکتده کوربوز عسکر بولاق ممکن دکل .. خلق حکومندن راضی اولدینی ایچون دشمنله محاربه ده عمومی فدا کارلای ممکن دکل .. بالقان دولتلری تورکیه یی محاربه ایدوب یگمدیلر ؛ بلکه بالقان ملتلی آوروپای عثمانیده کی خرابه لره مانع سز اوله رقی کیردیلر ... تورکک بیقلمسی محاربه دن دکل ، اداره سزلگدن اولدی ... بلغار قرالی تورک پادشاهنی یگمدی ، بلغار معلمی تورک معلمی یگدی ... بالقان ملتلی تورک ملتلی یگدی ؛ تورکیه نك اسکی عسکر طبیعتی بوکا مانع اولامادی ...

« بوجله لری آچیقجه سویله نجه ، خلاصه سی شوندن عبارتدر : تورکیه نك اداره سی آنسکه محارب دولتلرک اداره سندن فنا ایدی . تورکیه نك خلق ، قومشو اهلیدن ده ا فقیر ایدی . تورک مکتبی ، بلغار و یونان مکتبلرنندن ده فنا ایدی . تورک سودا کرلری یونان سودا کرلرنندن قیاس قبول ایتمه جک قدر یوقاری ایدی ، تورک کویلوسی ، بلغار و صرب کویلوسنه کوره ا کین ، باقمه وآغیل ایشلرنده پک چوق کریده ایدی . تورک قادیلری ، بلغار یونان و صرب قادیلرینه کوره دنیا ایستنده ایشکدار دکلدی . تورک کنجلیری ؛ جوار کنجلره کوره حمیتسز وانديشه سز ایدی . بالقان ملتلیرنک قارداشلیری ، تورک قارداشلرنندن یوقاری ایدی ؛ بالقان دولتلرینک پک قوتلی دوستلری واردی ، تورکیه نك دوستی یوق ایدی . بلغاریانک ، یونانک ، صربیانک ، قره طاغک مملکتلری ، مال و ملکلیری ، سودالری ، صناعتخانه لری ، مکتب و عبادتخانه لری ، علم و ادبیاتلری . هپسی کندیلرینک اولدینی حالده تورکیه ده چوغی اجنبیلرک و پک آزی تورکلرک ایدی . شو حالده بالقان ملتلی تورک عسکرینه قارشى کیتدیلر ، هم بلامانع یورودیلر . بلغار ، یونان ، صرب ملتلی ، ملنک تکمیل افرادی کندیلرینک وقومشولرینک نه ایشلرکلیغی بیلوب ، آکلایوب طور دقلری حالده تورک ملتلی کنددی باشنه نه لرکله چکندن غافل ایدی . » بورادن آشاغیده ذکر اولونان دیگر بعض سببلر واردرکه یوردیمزک صحیفه لرینه نقل ایدله می ده اماناسیدر . فقط شبهه سزکه تاریخ ، او مشرح مدقق ، ناخن تنقید و مؤاخذه سنی اونقطه لره ده اوزادیر .

ک . نه .